

UGOVOR ZA NABAVKU USLUGA

1. Lampa Studio d.o.o. Sarajevo, adresa Hasana Brkića br. 45 Sarajevo, Novo Sarajevo, 71000 Sarajevo, koga zastupa direktor Emir Agić (Pružalac usluga)
- i
2. Sarajevska regionalna razvojna agencija SERDA d.o.o. Sarajevo, Kolodvorska 6, koju zastupa direktor Ševkija Okerić, (u daljem tekstu: Ugovorni organ)

I PREDMET UGOVORA

Član 1.

Predmet ovog Ugovora su usluge - "izrada WEB stranice Ureda za ekonomsku saradnju sa dijasporom SERDA sa uključenim održavanjem i hostingom za 2 godine", a zaključuje se nakon provedenog Direktnog postupka javne nabavke broj: JN-146/20. Ponuda Pružaoca usluga br: 04-08/20 od 04.08.2020. godine je sastavni dio ovog Ugovora.

II CIJENA

Član 2.

Ugovorenu cijenu čine usluge iz člana 1. ovog Ugovora, bez uračunatog PDV-a 3.440,00 KM, a sa PDV-om 4.024,80 KM.

III NAČIN PLAĆANJA

Član 3.

Plaćanje za usluge iz člana 1. ovog Ugovora će se izvršiti na sljedeći način:

- plaćanje putem transakcijskog računa,
- rok plaćanja je 15 dana od datuma izdavanja računa.

IV ROK IZVRŠENJA

Član 4.

Pružalac usluga se obavezuje da usluge iz člana 1. specificirane u tehničkoj specifikaciji i Ponudi br: JN-04-08/20 izvrši u roku od 35 dana od dana zaključivanja ugovora za izradu web stranice Ureda, a za održavanje i hosting u periodu od dvije godine.

V OBAVEZE UGOVORNOG ORGANA

Član 5.

Ugovorni organ se obavezuje da:

- izvrši obavezu iz člana 3. ovog Ugovora.

VI OBAVEZE PRUŽAOCA USLUGA

Član 6.

Pružalac usluga se obavezuje da:

- izvrši obavezu iz člana 5. ovog Ugovora,
- ispostavi fakturu za izvršene usluge.

VII PENALI

Član 7.

Za svaki dan zakašnjenja Izvršilac se obavezuje da naručiocu na ime ugovorene kazne plati pet (5) promila vrijednosti neizvršenog dijela posla, a najviše 5% (pet posto) te vrijednosti.

VIII VIŠA SILA

Član 8.

Ako slučaj više sile, potpuno ili djelimično spriječi izvršenje obaveza po ovom ugovoru, ugovorna strana je obavezna da obavijesti drugu ugovornu stranu u roku od 7 (sedam dana) od nastanka više sile.

IX OSTALE ODREDBE

Član 9.

Sve eventualne sporove, ugovorne strane će rješavati sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je sud u Sarajevu.

Član 10.

Ovaj ugovor stupa na snagu kada ga potpišu obje ugovorne strane i traje dvije godine. Pružalac usluga nema pravo zapošljavanja, u svrhu izvršenja ugovora o nabavci fizičkih i pravnih lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog ugovora o javnoj nabavci, 6 mjeseci po zaključenju Ugovora.

Član 11.

Sve izmjene ovog Ugovora mogu se vršiti isključivo i samo uz pismenu saglasnost ugovornih strana.

Ovaj Ugovor je sačinjen u 4 (četiri) istovjetna primjerka, po 2 (dva) za svaku ugovornu stranu. Sastavni dio ovog Ugovora je Ponuda iz člana 1. ovog Ugovora.


Pružalac usluga
Lampa Studio d.o.o. Sarajevo
DIREKTOR


Emir Agić

01.09.20
46-01-09/20



Ugovorni organ
SERDA d.o.o. Sarajevo
DIREKTOR


dr. Ševkija Okerić

26.08.2020
46-155/20